



## Informacijski podsjetnik br. 34

# Obaveza djece za izdržavanje roditelja kojima treba njega (Pomoć za njegu)

---

Sa Zakonom o rasterećenju članova porodice za djecu nastupa obaveza izdržavanja roditelja kojima je potrebna njega (ili roditelja u odnosu na njihovu djecu kojima je potrebna njega) tek od granice od 100.000 € bruto godišnjeg dohotka. Pritom se samo uzima u obzir dohodak djeteta koji ima obavazu izdržavanja roditelje, ali ne i dohodak bračnog ili životnog partnera.

Ne vrši se paušalna provjera prihoda djece, osim ako Socijalna služba pretpostavlja da dijete ima veći dohodak.

Kod prekoračenja granice i dalje se primjenjuju postojeća pravila za utvrđivanje visine iznosa za izdržavanje roditelja:

**2.000,- €** mjesečno neto, kao minimalan iznos za pokrivanje vlastitih potreba.

U ovo je uračunata stanarina s režijama u iznosu od 700,- €. Ako je stvarna stanarina s režijama iznad ovog paušala, o tome treba obavijestiti Socijalnu službu, pošto taj veći trošak onda može smanjiti iznos obaveze izdržavanja.

**+ 1.600,- €** za bračnog para, uključujući 600,- € stanarine s režijama

+ pojedinačni iznos iz tzv. Düsseldorfske tablice za svako dijete koje ima pravo na izdržavanje (ukupan iznos za izdržavanje punoljetnog djeteta s vlastitim domaćinstvom).

+ 5 % bruto dohotka, kod samostalnog obavljanja djelatnosti 25% bruto dohotka, za dodatno penziono osiguranje u starosti.

Troškovi povezani s određenim zanimanjem moraju se odbiti, pri čemu se bez potvrde može procijeniti paušal od 5 % (min. 50 € i maks.150 € mjesečno) neto primanja. Prekoračuju li troškovi ovaj paušal, moraju se pojedinačno dokazati.

Takođe se može zahtijevati priznavanje posebnih izdataka i drugih finansijskih opterećenja osoba koje imaju obavezu izdržavanja, kao npr. krediti, dugovi (koji su preuzeti prije spoznaje o potrebi njege roditelja), dodatni troškovi uzrokovani bolešću, izdaci povezani sa zanimanjem (osiguranje za slučaj radne nesposobnosti). Ako dohodak premašuje izračunat iznos novca potrebnog za vlastito izdržavanje, od iznosa razlike se u pravilu zahtijeva 50 % kao iznos za izdržavanje.

### Imovina

Djeca u osnovi više ne moraju ulagati svoju imovinu za izdržavanje roditelja. Važe još samo prihodi od kamate iz imovine kao dohotka. Nekretnina u kojoj se živi se ne mora prodati ili se ne mora uložiti imovina uštedena za penziju u starosti ako je to primjereno.

Ušteden novac za sahranu takođe se u pravilu ne smije dirati.

## **Povrat poreza**

Ko za svoje roditelje plaća izdržavanje, može u godišnjem obračunu poreza pod stavkom "vanredna opterećenja" zahtijevati povrat tih sredstava.

## **Zamjenjivost i srazmjernost**

Socijalne službe provjeravaju da li se od samih osoba kojima treba njega ili osoba koje imaju obavezu izdržavanja može očekivati da optereće predmete imovine kao što je stambeno vlasništvo u kojem ne stanuju ili druge predmete, vrijednosti, očekivana nasljedstva ili prava. Ovdje vrijedi načelo srazmjernosti. Nikome se ne smije oduzeti osnova egzistencije ili mogućnost stvaranja egzistencije ili materijalno osiguranje za starost. Zato ovdje važe posebne granice iznosa novca potrebnog za izdržavanje i minimum iznosa oslobođenih poreza.

Ako Socijalna služba dođe do saznanja da osoba koja je obavezna na plaćanje izdržavanja to može osigurati, izdaje se pisani poziv za vršenje plaćanja. Na isti se ne može uložiti prigovor. Tokom obrade prigovora može se pokušati iskoristiti ostala opterećenja. Takođe postoji mogućnost da se zahtijeva direktan razgovor u Socijalnoj službi u cilju razjašnjenja tih nejasnoća.

**Rado će Vam dati savjet saradnici i saradnice Odjela za pružanje njege**

**Besplatan broj za pomoć: 0800 59 500 59**

**[www.pflegestuetzpunkteberlin.de](http://www.pflegestuetzpunkteberlin.de)**

Nosioci Odjela za pružanje njege su berlinski zavodi za njegu i Pokrajina Berlin